



NI PASHE UK 15

VETA yatoa mafunzo ufugaji bora kwa wafugaji 58

**Na Thobias Mwanakatwe,
BAHI**

MAMLAKA ya Elimu na Mafunzo ya Ufundu Stadi (VETA) Kanda ya Kati imeanza kutoa mafunzo ya ufugaji bora wa mbuzi na kondoo kwa wafugaji 58 wa Halmashauri ya Wilaya ya Bahi, mkoani Dodoma ili wafuge kwa tija na kujikwamua kiuchumi.

Ofisa Mtafiti wa Soko la Ajira VETA Kanda ya Kati, Sadan Komungoma, akifungua mafunzo hayo juzi alisema VETA walfanya utafiti wa kuangalia shughuli za kiuchumi zinazofanyika wilayani Bahi na kugundua wananchi wanajishughulisha na ufugaji wa mbuzi, kuku, ng'ombe na kondoo lakini wanapofuga hutumia eneo kubwa huku kukiwa na uharibifu mkubwa wa mazingira.

Alisema kutokana na utafiti

huo katika Wilaya ya Bahi walibaini kuwapo kwa wafugaji wengi ambao wanafuga lakini ufugaji wao hauna tija.

"Unakuta mtu ana mifugo kidogo, lakini anatumia eneo kubwa na kuleta changamoto kwa watu wengine ikiwa ni pamoja na mifugo yao kuingia kwenye mashambà ya wakulima na kulamazao yao," alisema.

Alisema baada ya utafiti huo wliamua kuanza kutoa mafunzo hayo ili watumie eneo dogo kwa ufugaji wa mifugo mingi jambo ambalo litaisaidia serikali kufanya shughuli zingine za maendeleo katika eneo ambalo linge-tumiwa na wafugaji wachache kama malisho ya mifugo.

"Mafunzo haya ambayo yamewahusisha wafugaji zaidi ya 58 tunaimani yataisa idia jamii na wafugaji wa Wilaya ya Bahi kufanya ufugaji bora na wenye tija kwa kutumia eneo dogo na kuwa mabalozi kwa wananchi

wengine jambo litakaloisaidia halmashauri ya wilaya katika utunzaji wa ardhi ambayo ingetumika kwa kundi moja tu la wafugaji," alisema.

Naye Msajili wa Chuo cha VETA Wilaya ya Bahi, Daudi Lyanga, aliishukuru serikali kwa kupeleka mafunzo hayo ambayo ni muhimu kwa jamii ya wafugaji.

Aidha, alisema kozi mbalimbali zitakazoanza kutolewa katika chuo hicho kuanzia Januari 2024 ikiwamo ufundu wa magari, kozi ya kompyuta, ushonaji nguo, umeme wa majumbani, ufundu washii, ufundu bomba, ufundu wa kuunganisha vyuma, udereva wa bajaji na pikipiki, udereva wa awali na ujasiriamali, ufugaji na kilimo.

Alisema kwa kozi za muda mrefu zitakazotolewa zitakuwa ni ya ufundu uashi na kuunganisha vyuma na kuomba vi-

jana kwenda kuomba nafasi ya kuanza kozi hizo ambazo gharama yake ni ndogo.

Mmoja wa washiriki wa mafunzo hayo, Julius Chimwela, aliishukuru serikali kuitia VETA kwa kuwapelekea mafunzo hayo ambayo yamewabadilisha kwa kuacha ufugaji wa kimazoea na kwenda kufanya ufugaji wenye tija.

"Kutokana na mafunzo haya naenda sasa kufanya ufugaji wa kibiashara ambapo nitaanza na uzalishaji wa mbuzi 20 hadi kufikisha mbuzi 244 baada ya miaka mitatu," alisema.

Mfugaji Celina Mbete, alimshukuru Rais Samia kwa kutoa fedha hizo kwa ajili ya mafunzo ambapo alitumia nafasi hiyo kuushukuru uongozi wa VETA Kanda ya Kati chini ya Mkurugenzi wake John Mwanja na watendaji wenzake kwa kuwapa kipaumbele wafugaji wa Wilaya ya Bahi kupata mafunzo hayo.

Naomi Lugoe. (Picha na Alexander Sanga).

HABARI LEO UK 19

Diamond Williamson warejesha uvuvi Kishapu

Na Kareny Masasy, Shinyanga

KAMPUNI ya Diamond Williamson Ltd (DWL) inayochimba madini ya almasi mgodi wa Mwadui imejenga bwawa jipywa na kupandikiza vifaranga 5,000 vya samaki aina ya sato.

Ujenzi wa bwawa hilo umerejesha shughuli za uvuvi kwa wananchi wa eneo hilo la Mwadui wilayani Kishapu, mkoani Shinyanga.

Ujenzi huo umefanyika baada ya bwawa la awali la samaki kuharibika kufuatia kupasuka kwa bwawa la majitope la mgodi huo Novemba

mwaka jana ambalo lilisembaza tope hilo katika bwawa la samaki.

"Ujenzi huu ni utekelezaji wa maelekezo ya serikali kwa mgodi kurudisha kila kitu kilichoharibiwa katika hali ya kawaida," alisema Katibu Tawala Wilaya ya Kishapu, Fatnia Mohamed wakati wa uzinduzi wa bwawa hilo.

Aliwataka wananchi kuwa walinzi wa bwawa hilo ambalo samaki wake sio tu kwa shughuli za biashara, bali hata kuimarisha lishe kwa wanajamii.

Meneja Mahusiano wa Mgodi, Bernard Mihayo alisema urejeshaji wa hali ya zamani unaendelea vizuri, ikiwemo upandaji miti, ambapo mpaka

sasa miche 10,000 imeshapandwa na shughuli hiyo ni endelevu kwa vijiji vyote vinavyouzunguka mgodi.

"Ulipaji fidia kwa waathirika wa tope hilo umeshakamilika pia," alisema.

Ofisa Uvuvi Wilaya ya Kishapu, Moses Ng'winza alielekeza wananchi kutoanza uvuvi katika bwawa hilo, mpaka miezi sita mbele, ili vifaranga vikue ipasavyo.

Baadhi ya wananchi wanaouzunguka mgodi, akiwemo Lucas Moye, walitoa pongozi kwa mgodi kuwarudishia bwawa lililojengwa kisasa, kwani shughuli za uvuvi zimesimama kwa muda mrefu.